

續金華叢書



竹金華叢書



少室山房類藁卷六十七

續金華叢書

激水胡應麟明瑞著

七言排律一十四首

俠客行六十四韻

朝端新拜大長秋，賜第東方最上頭。
曲榭華甍藏燕雀，華堂飛棟列貔貅。
論功肯就平陽列，相骨爭誇定遠儔。
太宰均裋容接席，中丞停節讓鳴騶。
前茅鼓角陳清吹，後隊旌旛樹碧油。
幾爲高名羅薊徼，時從長揖見曹丘。
雄心黯淡操戈發，奇策縱橫借箸籌。
博浪誤驚嬴主，中白登長抱浦王。
羞長驅欲踐天驕血，轉戰思椿日逐喉。
然諾季心輕海岱，風聲劇孟重山丘。
朱家緩頰供排難，郭解捐軀代報仇。
八百家奴懷蜀鏹，三千門客佩吳鉤。
登壇辟易漁陽帥，分道憑陵博陸侯。
向晚章臺嘶叱撥，深春韋曲叫鉤輈。
麒麟閣聳飛身上，鳩鵲宮扃掉臂遊。
入幕嘉賓窺喜怒，當場摩詰效俳優。
微行漢帝令衷甲，清暇唐宗待蹴毬。
絕代妖童顏比鄭，傾城小史貌逾周。
頻呼第五娉金埒，屢

竊無雙下玉樓貴介原嘗元並峙奢靡王石定誰優雙珠跳脫迎無
畏百寶流蘇障莫愁雲母屏開紅日耀水晶簾捲碧天幽燈籠錦羅
流黃被火浣衫裼集翠裘五彩同心饒綰結七珍如意競雕鏤盈拳
秣弱商胡贈徑尺琅玕貴主求象齒穹窿來絕域蛟精瑩膩出靈湫
齊璜楚珉相輝映魯壁秦碑互校讐彝鼎蚩尤存大夏尊罍饗餐驗
成周華箋溢案鍾王聚妙墨盈箱顧衛留綠笺遺踪看載闢藍田名
蹟羨重修爲園直跨新豐市鑿沼斜穿太液流曲島迴汀浮灩澦孤
峰層巘矗瀛洲岵嶢睥睨通河漢巖磔采窠礙斗牛泉美乍分楊子
渡石竒先載鬱林州偏箱絡繹馳山荔巨舶聯翻餉海榴選匠非楊
喬木盡營工川洛眾材鳩瓜田灞漣聯郊隧柳陌咸陽夾置郵寺院
名花行索笑八窻文杏坐銷憂松風晝起娛貞白竹露晴翻媚子猷
芳草夢時連驟靚蟠桃栽處朔勤偷相思樹底閒情劇連理枝旁逸
興適齒齕飄香榮桂闥芙蓉輸艷撲蘭舟青蘋瑞實浮江上綠萼寒
英寄隴頭俊鶻東夷勞遠致神鷹南國費窮蒐爰居受享翻成福言

了能言不解愁子母玄猿攜上峽雌雄丹鶴貯浮丘當階檜栢龍鱗
勁側徑悟桐鳳羽稠把釣文魚時撥刺開籠細鳥日啁啾玻瓈盞淨
屠蒼鹿瑤瑤盤殷膾赤虬食進萬錢忘下筯羹調干錡未盈甌牛心
探藏熊蹯脆蟹足熬膏額髓柔李尉庖中羸寶屑郇公廚內足珍羞
從容握麈延諸謝慷慨呼盧軋二劉侯白抗顏陳戲劇秦青揚袂動
歌謳數聲子夜明星落一部陽春霽月流別館笙簫雲共咽迴廊燈
燭霧難收杯傳鸚鵡長酣醉杓滿鸕鶿遞勸酬五斗椰漿管異核百
壺桑落薦芳芻生來梁孝豪游擅蚤歲燕丹俠氣投日杳虞淵猶角
逐天傾杞國漫咨諏無論蕭相居帷幄謾識孫郎近冕旒倏忽韶光
伴閃電須臾滄海變浮漚霜華爛熳催紅頰石火紛紜照白頭好是
太玄楊子業書成名字在千秋

青樓曲三十六韻

紫陌青樓接上林香車油壁鳳池陰珊瑚繞砌榮丹嶂瑤瑤當窻
碧岑絕代祗看雙白璧傾城何啻萬黃金鮫鮪帳煖勻蘇合玳瑁筵

芬蕪水沉樹樹相思巢比翼枝枝連理結同心風鬟墜馬嬌堪畫霧
髻盤龍力未任淡掃春山重閣曙斜拖秋水曲房深床頭琥珀鐫文
貝几上琅玕環翠禽沙淨鴛鴦翹綺褥泥融鷓鴣睡羅衾葱籠石竹
綠衣繡馥郁溪蘭並帶絰理棹湖堤春漠漠乘槎河漢夜陰陰波填
烏鵲虹千丈水戲魚龍獸百尋鼓瑟湘妃傳麗句吹簫羸女發清音
福穰舞燕甘泉畔宛轉驚鴻洛水潯天女大羅邀把袂仙姝少室戀
投梭王主楚岫朝相似六六巫峰暮半沈玉洞玄漿霞共汎瑤池丹
醴月同斟青鸞慣向前除下赤鳳偏宜後掖尋日隱未央頻望蹕霜
飛長樂驟聞砧銀屏照膽悲華落鐵鎖傳心怨陸沉織錦蘇娥情慘
淡題紈班氏與蕭森崔徽謝客容顏瘁薛媛懷人涕淚淫寶太主驕
長卧疾息夫人憾但如瘖生來陳后情元妬老去徐娘思尙留岸隔
楊花愁歲暮江迎桃葉畏寒侵虬髯邂逅緣持拂犢鼻逶迤爲聽琴
破鑑德言憐渡落投梭益壽笑寄嶽嶺裳殿迴唐宗入銅雀臺高魏
帝臨東壁王昌懷易暢西隣宋玉賦難禁時憑劒術祛凌暴屢握刀

頭盼滯淫落盡紫薇重倚架開殘紅杏獨停針成陰結子須臾事賜
斷春風杜牧吟

事多出漢唐雜史小說楊花卽
楊白華劒術如韞隱荆娘之類

挽朱廷尉可大十六韻

先可大以建言論斬
恩詔釋歸尋疾終

冠玉凌雲美少年崢嶸人代擯青錢批鱗日慘雙龍闕折角風吹五
鹿筵勁氣千秋橫碣石餘生萬死出甘泉無論廷尉張羅事政憶司
空解綬年石匣蒼茫南斗下鹽車淪落太行前吹噓土壤人誰測物
色塵霾爾並賢赫燁蘭陰迴鹵簿殷勤漱水繫樓船騰空驟駟庸多
讓貫日虹霓豈偶然去住未妨鴻羽隔升沉俄析雁行聯飛揚大業
河山並突兀雄詞海岱懸共擬隋珠還漢闕那知和璧瘞藍田藜空
向閣殘新序草沒雄亭掩太玄強直自知文季遂貞孤誰並伯喈傳
關心雨露酬前席極目乾坤倚斷絃函谷青牛沉紫氣匡廬白鹿弔
黃泉生芻一寄遙天外萬壑松楸冷暮蟬

朱暉字文季張直自遂蔡邕稱朱穆貞
孤羔羊之節可大生平行誼大類二朱

朱十六在明訂余過訪沙上念載矣歲杪得手書猶故情曖曖
也新春忽聞長逝感愴不勝挽以長律十六韻

慷慨朱家結俠年金樽何日不花前仙源洞府三千闌帝苑池臺八
百懸夜夜更衣遊太液朝朝聯袂入甘泉臨淮桂樹通侯第大庾梅
花上客筵突兀雄心摧海岱飛揚豪氣挾星躔建安遺瓦酬雙璧宣
德新磁破萬錢彩翰如椽仍自貴黃鬚張戟定誰憐官微恥抱齊門
瑟宦拙寧迴越水船海月亭中邀月坐江雲樓上抱雲眠明眸皓齒
羅閨閣妙曲新聲被管絃舞罷枯枝頻笑傲歌餘桃葉乍留連孤松
爾自陶元亮芳草余慚謝惠連幾夜梁園期作賦經時楊閣候談玄
生年忽報龍蛇值哀訃俄驚鵬鳥傳地僻高陵盤狡兔天垂荒隴咽
寒蟬酬知未遂延陵諾愁絕生芻寄墓田

在明家有園池聲伎江雲樓最軒爽每訂余海上
爲十日飲余亦欲卜居其傍竟參商未如愿

憩清源舊遊禪寺懷蘇別駕以修二十四韻有序

憶曩在清源日易使君座中邂逅以修別駕握手定交淹留
累月窮極平原之興一別十年聞問杳絕扁舟再過不勝今
昔之感云

十月繁霜正滿離孤城凝望碧雲馳青衫落魄還丹夜綠綺傳聲命
駕時玉勒亂嘶韋氏苑銅鞮高宴習家池龍蛇四壁毫飛動牛斗雙
函劒陸離妙曲西園陳翠管清歌北里近彤墀豪遊南郭朝朝共勝
槩東山日日期綺陌朱樓情浩渺紗窗紅燭夢逶迤何人作賦非同
調若个談詩不解頤一代平原懷兢爽千秋河朔興難疲從知意氣
關寥廓詎謂形骸判別離驛路論心愁汎梗河梁揮手惜臨歧窮來
海曲甘垂釣淚盡山陰獨解維搖落慚余同塞柳漂零聞汝逐江籬
茫茫白水迷三峽歷歷青山礙九疑無客乘風來灌口與誰尋雪上
峨眉雕闌繡柱孤懸榻清簟疎簾靜覆棋漫詫王嬌留鳳輦徒聞薛
女畫蛾眉君平易肆虛談卦楊子玄亭失問奇岸拆黃牛迴舸艦城
深白帝罷旌旗遙天灩澦雙魚絕僻地臨邛駟馬遲稊貫十千時潦

倒柑題三百尙淋漓清風明月羈玄度流水高山咽子期越國啼魂
無翠鳥蜀天翹首但黃鸝亦知聚散人間世極目長空雁影移後再過聞
以修
歿矣

壽吳封公七秩

迤遙紫氣度滄溟翹首文闕見德星三世龍章偏鳳躍四朝鵷羽獨
鴻冥才高曼倩飛千牘道直劉蕡困一經骭麟田方驕富貴跼跼杜
甫惜娉婷傳家夙擅瑤華譽報國爭傳玉樹馨赫爾盛時新闕闕依
然名士舊門庭姑蘇麋鹿遊春聖震澤魚蝦卧晚汀閭闔廟前閒倚
杖滄浪亭下戲揚舲高陽藹藹眉先白大耋垂垂髻尙青東望瀛洲
鸞馭出西來玄圃鶴書停花枝爛燦供談笑竹色葱芊伴醉醒神爽
安期遺履易冰桃王母降輜輶前除冠蓋如虹集後苑笙歌帶月聽
綸綍幾看迴結駟緇緜猶自憶囊螢天河路近槎堪汎海屋籌多戶
未扃蚤識大椿千萬禩南山無事祝修齡

封公文端公孫純叔少余子而文仲使
君父也后先繼仕以潛德弗耀于時

挽周徵君公瑕二十韻

藝苑靈光四十春
翩翩奇氣上青旻
飛翔鸞鶴三千界
慘淡龍蛇百六辰
北嶺彥倫非異族
東吳公瑾是前身
宗雷綺歲耽玄寂
禽向生來習隱淪
虎阜池頭尋紫劍
鱸鄉亭上岸烏巾
雄章筴社珠同耀
麗藻昆丘璧共陳
玉筍縱橫三李合
銀鈎搖曳二王親
岫嶺絕頂文摹夏
梁父中天篆勒秦
巨榜華夷懸突兀
穹碑河岳鬪嶙峋
西泠倚棹吹黃葉
南浦垂竿弄白蘋
好士孟公腸磊落
無兒伯道思艱辛
羣仙闕苑招同列
上帝叢霄憶戲臣
太傅遺踪沈草樹
中郎餘業散荆榛
家殘甫里悲羅雀
冢翳皋橋嘆獲麟
是處霜飈摧大厦
當年湖海問前薪
浮名蚤借遊燕客
秀句偏攜入洛人
劇飲平原寧計日
高談河朔動經旬
踟躕舊雨舟藏壑
慟哭酸風笛滿隣
瘞鶴銘存徒自惜
籠鵝帖杳定誰真
惟應彩筆星河畔
元氣淋漓照玉宸

送萬伯修中丞經略朝鮮二十四韻

突兀熊車控九邊
燦煌鵠印下甘泉
元戎夜仗黃金鉞
壯士晨驅白

玉鞭驟擁全師過碣石徐分小隊出祁連驂留五色羣連代鵝鵲雙
飛陣拂燕赤羽登壇環甲冑青油張幕護樓船雲銷上谷旌竿駐霧
湧丸都箭鏃穿伐鼓吹笳行塞日飛槎浮筏度遼年詩書總屬中軍
好文武咸推吉父專曲逆奇謀神鬼運嫖姚雄略帝王傳轅門妙算
聞三策樂府豪吟擅百篇西第徵歌霞照席南樓舒嘯月窺筵椎牛
有客俱長孺倚馬何人不仲宣潦倒鸕鷀孟似杓淋漓鸚鵡筆如椽
千言草綴陳侯牘一傳花生杜氏箋橫槩澄江天破浪拔刀窮谷地
生泉摧牙怪鱷鱗堆阜授首封狐血漲川道左纍纍迎吐谷管中歷
歷拜呼延寧知報捷憑公異會見題銘壓孟堅後乘長驅母寡入前
萌生縛郅支旋扶桑日上清妖氣細柳虹飛息燧烟定遠威名元獨
步平陽勳烈舊無前銅標直建三韓外鐵券遙頒萬國先虎豹崇關
萌土闢麒麟高閣畫圖懸穀城遺老相逢後一舸陶朱釣巨鱸

蚤春寄懷大學士趙公三十韻

金扉銀鑰散爐薰玉座琳居架斗文日爲唐堯懸北極風因虞帝動

南薰花明建禮宮前雪樹拂台元殿裏雲長樂烟光晨浩蕩未央霞
色晝繽紛衣冠肅肅廿泉聚環珮鏘鏘太乙聞左邑亭臺行未厭西
清城郭望難分九苞鸞鸞俱呈瑞五色鸞鵠並作羣求友黃鸝啼廣
陌將雛白鶴卧斜曛昭容戶外垂羅袖采女車前曳繡裙十樣蛾眉
桃李艷千盤鸞髻蔚檀芬煥煌甲煎中庭燎繚緲都梁別院焚水沈
昆明寧習戰山遊興慶詎成醺明堂禹益攄謨詰清廟夔陶繹典墳
獻賦班揚馳彩筆陳詩枚馬擅風斤傳岩板築真符夢莘野鉏犁合
罷耘優詔異時仍白壁辟書何處更玄纁趨朝政喜羣公洽報國應
憐太老勤絳闕頻年勞上相丹扉無策對明君羊裘數問嚴江外雁
序長膽漱水漬瑣闥交章神轉王平臺傳論思偏殷三千魚鳥張旗
幟百萬貔貅礪劒紋龍武盡收榆塞卒鷹揚全護棘門軍材官甲冑
先浮渭大將樓船欲濟汾舉鼎威名雄夏說揚鞭豪氣邁高賁倉皇
跋足知狼顧躑躅寧牙見豕獫海匝雞林傳帝力江寒鴨綠淨妖氛
耆英紫綬堪圖洛狂客黃冠會入鄞講易庭前饒管輅傳書門下半

羊欣淇園荏苒齡齊竹鄴架參差帙散芸翹首越裳重譯至赤松岩
畔候元勛

參知張公睿父觀察吳公文仲過訪吳公舊宰金華訂盟莫逆
張公神交十載近始識荆迺並辱提攜收之方外高軒枉問
讌洽連宵國士之知敬酬此什

繡服緋袍試晚晴荒途曲巷謝逢迎州民禮數容長揖地主風騷接
大名幄裏雙虹交映日輿前千騎並干城人倫張仲推忠孝吏績吳
公擅治平白雪中原馳錦翰青霞太末射楸枰三都浩瀚裁新註七
子崢嶸締舊盟志續齊諧羅艷異書傳博物洞幽明朱旗躡借臺端
曳玉珮行趨闕下鳴躡躡久虛陳榻夢飛觴何限庾樓情茆檐豈爲
看花入草徑聊同問竹行業綜緗縑元自得篇攜綺繪定誰評從知
國士深留盼愁絕文通賦未成

送周大參之楚中

當年文價重連城蚤向詞壇識姓名玉署鳴珂朝建禮金門持戟扈

承明中天正屬飛龍起南國遙看結駟行侍從清朝臣不厭驅馳赤
社帝關情參差原勒含毫待次第英皇抱瑟迎衡岳雁迴雙節迴武
昌魚躍片帆輕登臺風雨三湘暗按部雲霞七澤明方岳大藩形勝
地甘棠寧讓召公評

送叅知洪公入賀聖節十六韻

暖日暄風上柳條樓船晨遡越江潮腰懸玉珮趨辰極手捧金函入
聖朝魯國生徒圍講座燕臺豪俠避行輶棠陰葵里關情切荔子閩
鄉送目遙藉草定過平樂市看花頻宿灞陵橋天浮太液明霞麗地
接甘泉湛露饒彩筆何方留鼓吹朱絃隨處叶簫韶南皮舊事猶飛
動北海新盟未寂寥駿骨千羣隨顧盼雄心八極任遊遨空囊歷歲
藏孤刺陋巷經時挂一瓢洞裏秦人捫峭蒨山阿楚客寄嶢嶢觀禾
乍許親田父伐木偏能問野樵敢謂龍蛇同奮蟄深知鵬鷁異逍搖
移床實奉元規宴下榻虛煩仲舉招荏苒三卿迴獨坐逡巡九列讓
元僚從知岳牧明堂近蚤件皋夔翊帝堯

懷王恒叔十四韻

恒叔以擢任還天台尋赴
白下中途病卧京口卒

南遷新命下蓬萊紫氣函關日夜開霞色乍眠方廣寺月華頻坐妙
高臺三山興盡思三竺九曲吟成夢九垓瑤圃勒銘推哲匠玉樓題
記仗雄才燦煌賦草傳中國燦爛文芒接上台軹里晨霜流檜栢茂
陵秋雨滴莓苔窮交此夕攄孤憤故友當年和七哀授簡甘泉誇駿
骨飛觚碣石羨鴻裁崢嶸汲鄭交難續嘆惜荆高世尙猜咫尺遮須
尋子建龍門曾識仲宣來

哭蘇學使君禹十八韻

皁蓋朱旛辟眾僚青鞋白帟問山椒猶思藉草過三洞尙記看花就
六橋剗地雕戈紅日駐倚天長劒白虹飄論心北海尊偏洽握手西
園蓋未遙一水驟榮桐栢夢萬峰俄矗桂林標君之擢嶺右參知也
先銓曹兩擬中州命
皆不下枕椰樹色浮公座荳蔻花香撲使輶玉管暮揮盈洞壑金函晨
捧接烟霄長門闕賦驚先達宣室紆談誤蚤朝十日河梁懷並鬱經

時濠濮興難消將因索處尋公寂詎意飛昇逐子喬齋老白楊情漠
漠閣殘玄草意蕭蕭中郎曲籍悲零亂太史篇章恨寂寥蹠蹠五龍
飛帝闕旌懸雙鶴度神飈胡床澱水迷秋月畫舸錢塘咽暮潮國土
中原時自惜名流東域定誰驕遺書百代鳴孤憤大樂千年閟九韶
潦倒酬知腸寸折不禁寒雨墮深宵

君禹過余必却鹵簿掩蓬荜留連談日余病或不冠對談疊疊形影盡忘